

錦里耆舊傳

卷五至卷八



錦里耆舊傳



錦里耆舊傳

錦里耆舊傳卷第五

起中和五年正月
至蜀武成元年

前榮州應靈縣令勾 延慶 纂

正月地動一月十餘度以七曜占之多兵飢饉 三月
改光啟元年 夏四月維州山崩石墜飛塵滿空 五
月除授顧彥期東川節度使

二年東川遣鄭君雄率衆侵略至德陽縣殺破斬鄭君
雄又常厚自峽中率兵據左縣僖宗皇帝到京後天下
十道共修京闕之次胡魯子反燒悉盡駕幸寶雞又幸
山南干戈復起四海不寧

錦里耆舊傳卷五

一讀畫齋叢書乙

三年冬十月十軍軍容使田令孜除授西軍監軍使十
一月到府

昭宗皇帝卽位改元文德元年 秋八月除授韋太尉
昭度 劍南西川節度使陳太師知之乃治兵講武更置

黃頭軍三都監軍使以書召閬州王司徒建計其過縣
水卽出兵拒之將激其怒必攻諸州所在發兵交戰冀
韋太尉來以兵隔之則誣以王司徒起兵侵境 九月
王司徒大軍至閉城門不納 冬十月丁卯川軍與王
司徒戰川軍敗退入城是日天色陰慘先主廟上黑霧

起至暮王司徒抽軍回七里亭 丙子王司徒引軍入漢州界攻剽四面州縣東西兩川皆懼之

龍紀元年春二月庚午陳太尉發軍與王司徒大戰於三郊川軍敗績於是別修壕寨點丁牢城 夏四月軍容招前定戎軍節度揚晟建節於彭州與陳敬瑄爲裏也 五月三郊軍敗退歸府城王司徒據漢州城出軍把斷北路又彌牟鎮下先鋒寨新都縣下中軍寨 秋七月節度使韋太尉到川用王司徒爲衙內都指揮使奏割邛蜀黎雅四州充永平軍節度使川莊陳太師牢尉城西北下寨未經旬日嘉眉州降

錦里耆舊傳卷五

二 讀畫齋叢書乙

城韋太尉具旌節於城下以示城內百姓軍人告之曰新使在此何閉城門陳太師令左右詬罵城下云有鐵券見在豈可違先帝命乎王司徒於東北面下寨韋太尉大順元年春正月分兵擊邛州都知兵馬使任可知殺刺史毛湘以城降又東川助兵三千人城外置牢行府徵科諸州稅賦嘉眉州運糧供軍內飢乏死者不可勝數父母委棄雛稚不相保養居人多以藜藿充濟皆有菜色殍仆者甚衆軍人多偷刈新麥每一斗直二千餘

金亦潛於韋太尉塞市易鹽酪相次人數稍多遂成隊
有聞於太尉太尉曰一城飢餓忍不救之並不要問城
內亦有聞於陳太師太師云吾尚恨無計救卹一任逐
便以此稍有市井 夏五月城內乏食民俗惶惶遞相
欺凌無所怕懼所在斬殺處處暴尸其有軍都處則稠
闊別街巷則寂靜是月資雅黎三州相次歸降時以攻
圍日久其城未拔王司徒白韋太尉曰今領數萬之衆
勞師以事蠻夷近聞洛陽以來藩鎮相噬朝廷姑息不
暇主上憂勞不如以兵威靜中原是國之本相公盍歸

錦里耆舊傳卷五

三讀畫齋叢書乙

覲面奏此事韋公然之翌日又諷三軍於行府門告糧
闕乃執韋公親吏駱別鶴鬻而食之韋公益懼因召王
司徒謂曰某年衰風恙恐不任持已具奏聞卽便離任
今表申奏署授司徒節度畱後行營招討使候至闕庭
奏聞請降西川旌節在後更保功業以慰民望乃以牌
印授之 六月己卯進發王司徒祖餞送至新都韋公
請回無更遠離帳幄韋太尉發後王司徒移居中軍寨
城內百姓往來交易販米入城以竹筒量截筒深一
寸闊一寸二百文須三五人共賣一人接錢兩人把手

定則以米寫衣袖中將歸研之煮湯共喫老弱者難買
或聚或散固無行鋪街巷飢人死者無數或遇
一夜風雨來日便成白骨冬十

月發兵圍彭州

大順二年秋城內糧盡 八月庚寅陳敬瑄田令孜開
城門攜牌印出降王司徒與之並轡入城安撫軍人百
姓放陳太師歸花林坊本宅田令孜歸碧雞坊宅時克
定川府之後以萬民久罹塗炭初見廓清行滌蕩之恩
布寬仁之政

景福元年春有詔貶田令孜授湖南監軍陳敬瑄於雅

錦里耆舊傳卷五

四讀畫齋鼓書乙

州安置王司徒慮其生變縊令孜於府城斬敬瑄於新
津具表疏其惡也

三年夏彭城內窘蹙初年米每斛五千第二年十千三
年糧盡百姓遞相啗食 五月庚申楊晟自劾城門開
自景福元年五月二十日圍城至三年五月二十三日
首尾三年蓋楊晟不識天時致害民庶 秋七月與東
川顧相公修好結秦晉之姻是歲改爲乾寧元年

二年春三月創徵雜稅綾一匹一百文絹一匹七十文
布一匹四十文豬每頭一百文時修寶歷寺有僧智廣

俗姓崔氏善救病以竹片爲杖拍其痛處決之無不立
愈癩者便伸跛者能行其餘疾苦應手痊損川主司徒
崇重之請於寶歷寺爲人療病所得錢物回用修造遂
於寺內五丈天王閣下居止於是病者競來皆得痊愈
日獲三五千告諸貧者不用施錢時號聖僧

師本在雅州開元寺

揭帝神堂內居

三年起軍收東川

四年秋九月平定東川

五年秋九月改爲光化元年江瀆池魚無數皆死浮

錦里耆舊傳卷五

五讀畫齋鼓書乙

出水面長尺餘以車般之送於城外

二年秋八月差發汝雲軍使田師侁統押兵士三指揮

收獲閬州次克巴蓬壁三州

三年春三月田師侁移軍收渝州

四年改元天復元年封蜀王

二年春三月發舟師一萬五千人鎖峽是歲大水嘉州

漂蕩尤甚時有呪土僧念尊勝修淨衆寺

三年三川晏寧五稼豐稔梁漢叢峽東西五千餘里山

河肅靜

六年昭宗皇帝遇害 少帝禪位梁時三軍縞素舉哀
七年秋九月文武勸進羣議云云蜀王卽皇帝位改唐
天復七年爲武成元年郊祀天地大赦境內赦文曰圓
蓋方輿萬彙共資其覆載春生夏長四時不息於推遷
所以茂成歲功寧遂物性帝王取象文質遞興遵革故
之令猷敷鼎新之至理朕上膺天命俯徇樂推宗廟告
虔孝思旣展郊丘備禮嚴配式遵欽承享國之符允叶
奉天之道祀羣咸秩有感必通雲龍方覩於在天雷雨
須聞於作解且湯開三面延景祚六百餘年漢革五刑

錦里耆舊傳卷五

六讀畫齋叢書乙

繼不圖二十四世皆以恤辜宥罪勸善興仁特行滌蕩
之恩用致洽平之化自唐朝運改土德數終初乃召寇
以纏兵竟至遷都而滅國賢良塗炭朝士丘墟生人旣
失其所天大事須歸於有土遂至蠻夷濫款士庶傾心
謂蜀都同章武之時兼漢嗣絕山陽之號共陳天命屬
在朕躬一從踐位以來倍軫臨深之懼每念生靈塗炭
刑政猶繁因告類於穹旻合流恩於屬縣紀年定歷旣
正鴻名布澤行春式和均氣可大赦天下改唐天復八
年爲大蜀武成元年正月十日昧爽已前大辟罪已下

罪無輕重已發覺未發覺已結正未結正見繫囚徒常赦不原者咸赦除之唯十惡五逆者屠牛鑄錢固意殺人捏窠造印結聚徒黨逃走背軍合和毒藥私鹽茶麴持杖行劫官典犯枉法贓兼渝濫身名冒授官爵罔圍之內官吏用情致令冤濫不問有贓不在赦限左降官不問罪輕重竝與量移其有情無狡蠱事不邪者委中書門下酌量矜貸使與牽復授官州縣典吏及諸色人配流在遠已經懲斷者竝宜釋罪放歸兼有軍人百姓先因公事關連逃避諸州縣鎮不敢放歸還者亦任

錦里耆舊傳卷五

七讀畫齋叢書乙

却歸本貫所在不得勘問擾攪朕自援旗誓衆仗鉞平戎廓定封疆安保生聚克成帝業實用武功每思將帥之勞宜獎初終之効其在城及東川山南武定武信武泰等道并兩路軍前諸鎮都頭節級將士等一時卽位日雖已各有頒賜既經大禮更示殊恩應都兵知馬使已下至節級官健今有優給各有等第處分稼穡雖登黎元未泰每於旦夕常所焦勞將漸致於昭蘇已累行其矜放但念方屯師旅難闕賦征祿同切於乂安宜共資於贍給自去年八月已後十月已前繼有指揮併

蠲逋欠非無惠澤下及烝人尚慮疲羸未息艱苦畿內諸州及諸州府應徵今年夏稅每貫量放二百文今年正月九日已前應在府及州縣鎮軍人百姓先因侵欠官中錢物或保累填陪官中收沒屋舍庄田除已有指揮及有人經官收買外餘無人射買者有本主及妻兒見在無處營生者並宜給還却據元額輸納本戶稅賦冬選之人例聞羈旅常思任用以救棲遲兼勸進官僚人數不少朕昨纔登寶位便布儆恩或擢在班行或委之州縣凡選用畧盡搜羅其間或有謬結前銜妄稱入

錦里耆舊傳卷五

八讀畫齋叢書乙

仕旣未辨其真僞又可哀其困窮是用銓衡冀分玉石切在精研選士撫實推公自執規繩勿隨請託但曾經赴任委不敗官不犯刑章又無贓污告赤圓備考課分明便仰依資注官銓司不得稽滯如有失墜告赤無以自明但有失墜時公憑及於本任官處取得文解者並准例參選然則自唐朝兵革之後淪濫尤多附勢力者未必有材抱孤直者或聞無位自今以後委有司博求幹濟慎擇端良諳熟吏途詳明法律先能潔己然可理人就中令錄之尤難切在銓衡之精選或有節度刺史

上表論薦皆須審諸行事顯著才能保無苛虐之心方
允奏陳之命如聞失舉必罪所知諸州府或有賢良方
正能直言極諫達於教化明於吏材政術精詳軍謀宏
遠韜光待用藏器俟時或智辨過人或詞華出格或隱
山林之跡或聞鄉里之稱仰所在州府奏聞當與量材
敘用自唐室傾淪梁圖篡奪上國俄成於茂草中原莫
有其遺民三百年之文物一空數千里之生靈無主星
辰既紊運祚俄遷指王氣之東沈聽頌聲之西起率土
之黔黎老幼竟獻臣心滿朝之文武忠賢皆陳天意克

錦里耆舊傳卷五

九讀書齋叢書乙

隆基業合重獎酬應內外文武官等或賜功臣名號或
與一子出身兼進勸官資以旌勳業茲當續有處分朕
頃事唐臣嘗居親衛受藩鎮封崇之貴著冊書鍾鼎之
勳至於朝右公卿方面侯伯皆契忘家之誓俱同許國
之誠非歿身王事之中遇禍賊庭之內言及念此痛憤
良深應自僖宗朝凡在有功文武大臣顯忠孝者並委
中書門下追贈仍搜訪骨肉量材錄用又在閬州起義
之日應有隨駕大將効命功臣或遭疾以淪亡或當鋒
而天枉皆是捐軀爲主臨難喪生殊功無日而暫忘遺

烈千年而不泯茲委中書門下抄錄次第各與追贈有
子孫者特授官榮所冀澤被幽明仁霑存沒又自朕剖
符之始分閩已來副予委用之心匡贊勳庸之士同甘
共苦竭節輸誠推公不避於流言臨事唯思於盡瘁則
有故武信軍節度使張琳操持勁直才術縱橫成今日
之鴻基自斯人之懿績不享朝天之祿遽興失手之悲
言念前功常思厚報宜追贈太尉以報幽冤其嗣子更
加正官仍賜章綬故山南節度使王宗滌早膺任用累
著勳勤征行不憚於風塵陳敵常先於士卒論其實效

錦里耆舊傳卷五

十讀畫齋叢書乙

可謂勞臣無何以富貴生驕災殃自撥不守初終之節
遽萌悖慢之心驗人情而其憤滿盈定國法而難私斷
割遂行典憲深用矜傷當運景之初興在故臣之可念
宜加洗雪用慰幽冥宗滌竝却還在身官爵故茂州刺
史張造故蜀州刺史李師泰故邛州刺史李簡故眉州
刺史張勅故漢州刺史宗裕都知兵馬使劉璋奉禮蓋
獲張全真張行立韓在田威等竝宜追贈朕自臨蜀國
實庇齊民皆資先哲之威靈獲王故都之城邑方憑幽
贊以永天休上蒼元功宜遵舊號先主昭烈皇帝宜委

中書門下追崇尊號 備冊儀忠武侯諸葛亮別加美
諡追贈王爵應有名山大川靈祠聖跡皆豐凶所繫水
旱是司茲宜追贈公侯以酬元貺朕爰自統臨八國同
心諸藩部落首領已下宜差使臣各賜詔勅分物宣諭
其見在鴻臚禮院入朝藩客等各賜分物續有勅旨處
分刺史縣令身皆受職寵在分憂非唯効荅於恩榮亦
在保全於終始將申報國只計安人其有徭役不均刑
法不中鄉縣凋弊稅賦逋懸必當分命使臣大明黜陟
若清廉可獎課績有聞或就轉官資或超加任用並舉

錦里耆舊傳卷五

十一 讀畫齋叢書乙

勸懲之命以彰悔過之名太倉及諸州縣受納斛斗並
仰太府寺准舊例校勘逐年給付所司除本分耗剩外
不得加一勝一合致百姓積累逋懸如有固違必行朝
典其有外州遠縣官吏等輒徵估價並許百姓詣闕論
訴不計官職高卑並正刑名處分在京百司禁囚徒推
劾案成皆招本罪本官詳斷只據所申儻陷深文便行
極法或恐推司人吏抑遏代書既不坐其本情實慮遭
其枉法自今後委御史臺常加覺察若有冤濫便具奏
聞必當別遣推窮重行懲斷致理之源無先養老化民

之本尤在恤孤或矜黃髮之年或念白華之節衰老者宜加卹孤惇者亦在撫安應國內有耆老年八十已上賜米二石九十已上賜米三石一百歲已上賜米五石兼綿絹酒肉有差竝仰所在長吏切加安存其有幸者量與津置殯送仍撫其孤弱義夫節婦孝子順孫竝加旌表門閭終身優假國之教化庠序爲先民之威儀禮樂爲本廢之則道替崇之則化行其國子監直令有司約故事速具修之兼諸州應有舊文宣王廟各仰崇飾以時釋奠應是前朝舊制或有開國新規制勅之所未該教化之所未備或刑法不中或倫序有乖則諫臣不可不言宰執不可不奏且謗木之設本俟諍臣匭函所收先覽冤狀所以凡關利病悉要聞知自今已後或事有便宜理非允當竝須旋具論奏共議改更必當畱折檻以旌賢無或懼觸鱗而避事應南郊行事亞獻終獻攝事行禮官吏等改轉優賜竝候續勅處分應飛龍閑廐內作器仗諸雜工巧黃衣三衛四色細仗掌扇黃鍾典彭等亦各委所司分析姓名申奏當議優賞駙馬都尉普恩之後仍各賜一子八品正員官赦內有未

錦里耆舊傳卷五

十三讀畫齋散書乙

該恩例及合條流事件各仰所司起請施行開國之初
既勤行於德惠改元之後尤企望於樂推惟是革弊從
新去華務實有利於民者不得不用有害於政者不得
不除公平必致於民安富庶自成於國霸恩雖不悛法
且無私赦宥者各仰自新釐革者皆宜共守俾從蕩滌
永致清平敢以赦前該恩事相告者以其罪罪之挾藏
軍器亡命山澤百日不首復罪如初赦書日行五百里
仍付所司牒至准勅故牒

錦里耆舊傳卷第五

錦里耆舊傳卷五

十三 讀書齋鼓書乙

錦里耆舊傳卷第六

起武成三年盡同光四年春

前榮州應靈縣令勾 延慶 纂

三年大梁遣使通聘書曰夫唐虞致治遵禪讓之明文湯武開基允神人之至願必有神器是膺皇圖況古今迭代之期英豪興隆之數莫不上關天命下順人心啟王霸之宏機爲子孫之大計咸遵軌轍竝載簡編且念與皇帝八兄頃在前朝各封異姓土茅分裂皆超將相之尊魚鴈往來久約弟兄之契歡盟甚固功業相推俄阻絕於音塵止因緣於間諜以至時衰土德運應金行

錦里耆舊傳卷六

一 讀書齋叢書乙

雖手足胼胝初平多難而星辰符瑞謬付厥躬當百辟之羣情極四方之積患爰都河洛用荅乾坤尋聞皇帝八兄奄有西陲盡朝三蜀別尊位號復統高深一時皆賀於推崇兩國願通於情好徵曹劉之往制各有君臣追楚漢之前蹤常分疆宇所冀同清夷夏俱活生靈載籍具存恢張無爽去歲密聞風旨遐慰寤思憤岐隴之猖狂逼褒斜之封徼欲資牽制用速掃除遂委永平軍節度使劉鄩特遣行人先導深意旋已徑差精甲將擊妖巢念數鎮之驍雄鼓六師之威勢尋聞退遁殆至滅

亡允懷倚角之謀允得輔車之利近併覽同華奏報皆
進呈褒祥書題具悉事機良多歎沃今專馳卿列備達
衷懷重論金石之交別卜墳笮之分山河共永日月長
懸瞻佇好音言不盡意今遣光祿卿盧珙閣門副使少
府少監李元聊馳書幣專戒道途兼有微禮具在別幅
謹白

馬一十匹紅纓子鞍幪各一事

紅耳叱驂馬一匹金玉鬧裝四垂鞍轡一副

紫叱驂馬一匹白玉裝鞍轡一副

錦里耆舊傳卷六

二
讀書齋鼓書乙

白驄馬一匹金鍍鬧裝鞍轡一副

烏叱驂馬一匹金鍍龍鳳五垂銀鞍轡一副

烏叱驂馬一匹金鍍銀鬧裝鞍轡一副

白驄馬一匹金鍍銀鬧裝鞍轡一副

青叱驂馬一匹裏花五垂銀鞍轡一副

青叱驂馬一匹陷金玉五垂鞍轡一副

騮叱驂馬一匹金鍍鬧裝五垂銀鞍轡一副

紅耳叱驂馬一匹金鍍五垂鬧裝銀鞍轡一副

玉犀腰帶二條并雜物等

黃排方珮琳腰帶一條頭尾順缺十二事

通牡丹犀排方腰帶一條頭尾順缺十二事

金香一十斤
麝香五十劑

犀一十株
琥珀二十斤

玳瑁二百斤
金稜琉璃碗十隻

銀稜祕色鈔鑼二面
金花銀裝厨子一對

金花渾銀裹龍鳳儀注槍四條
并鞘子犂牛紅拂子全

金花銀裹龍鳳儀注槍四十條
綾袋盛

金銅甲二副并副膊兜鍪全

錦里耆舊傳卷六

三讀畫齋散書乙

藥物一十三味

茯苓一十斤
茯神一十斤

酸棗仁五十斤
玉鹽五斤

新羅人參一十斤
牛膝一十斤

枳殼二十斤
五味子五斤

赤箭一十斤
鹿茸一十對

顆棗一千枚
羚羊角五對

牛黃一百銖

右件藥物等或來從燕市或貢自炎方或馨香

能助於薰爐或華妙可資於寶玩至於劍涵星
斗藥有君臣願伸兩國之情重固千年之約愧
非縟禮粗達深衷特希檢畱幸甚謹白

荅書 大蜀皇帝謹致書于大梁皇帝閣下竊念早歲
與皇帝共逢昌運同事前朝俱榮倚注之恩竝受安危
之寄豈期王室如燬大事莫追摸流泛灑於八方衰豐
凌夷於九廟此際與皇帝同分茅土共統邦家扶危者
力旣不宜握兵者計無所出某忝列同盟之分幸居平
蜀之功所宜治兵甲以固封疆聚征賦以修進貢望星

錦里耆舊傳卷六

四讀書齋叢書乙

使而經年不至指雲鄉而就日無期遠聞皇帝應天順
人開基立極拯生靈於塗炭示恩信於豚魚東南之王
氣咸歸河洛之殊祥畢至四門盡闢百度唯貞 無競
於興邦止施仁而濟衆以此內量分限不在經綸七十
州自可指揮八千里半因開拓遂至萬民叶議八國言
朝爰徵史冊之文亦有變通之說且東漢亂離之後三
國齊興西周微弱之時六雄競起俱非恃強逼禪皆以
行道濟時雍容於揖讓之前輕重於英雄之內況西蜀
開山立國燒棧爲謀稱雄雖處於一隅避狄曾安於二

帝鼎峙之規模尚在山呼之氣象猶存永言梁蜀之權
合認弟兄之國今蒙皇帝遠尋舊好專降嘉音俱無閒
謀之嫌再敘始終之約疑慮則春冰共泮開通則東海
可歸光榮遽被於子孫暢遂咸敷於朝野今則盡燹勞
而巳用儉勤以師資嘗瞻偃草之風以繼用天之道
又蒙厚加賜貶別降珍奇十驥連鑣六龍竝驚稱德曾
參於萬乘呈才皆過於千金載觀戀主之心益勵懷恩
之志寶帶輟異方之貢名香加遠國之珍奇鋒利過於
雪霜雅器價齊於金玉入用多慙於未識捧持方喜於
初觀望恩而一日三秋仰德而跬步千里自此榮遵天
路繼道星槎緘章不俟於飛鳶裂帛豈勞於繫鴈欣榮
慰喜併集此時敬以專使盧卿等回畧陳所志幸望開
覽謹白

謝信物等

右件鞍馬及腰帶甲冑槍劍麝臍琥珀玳瑁金
稜梳越瓷器并諸色藥物等皆大梁皇帝降使
賜貶雕鞍撼玉堅甲爍金十圍希世之珍六轡
絕塵之用槍森蛇棹劍耀龍鋒金稜含寶梳之

光祕色抱青衿之響上藥非蜀都所紀名香從
外國稱奇遠有珍華竝由惠好顧酬謝而增愧
仰渥澤以難勝捧閱品名實慙祗受

二年春冊皇太子

永平元年秋九月築柳堤

二年秋七月皇太子元膺作亂樞密使唐道襲等率兵
敗之至翌日擒獲戮之於摩訶池畔 初五月二十三
日丑時天上忽震一聲有電光飛數丈或明或潛滅皆
云天狗也占云其下殺萬人至是勦戮之數也斯驗矣

錦里耆舊傳卷六

六 讀畫齋鼓書乙

三年冬十二月雲南蠻寇邊大渡河至沈黎

四年春正月叢王將兵討之殺退湯河者不知其數歸
降者三千餘人斬獲坦緯布燮清平官等收奪器甲馬
牛軍資財用八千餘事凱歌而還是月荆南高令公發
兵攻峽路嘉王率衆且戰艦沿流下峽未至夔州刺史
王先成已殺退嘉王以王先成伐功悔慢斬而後奏帝
甚怒之

天漢元年戎州界獠胡連等反七州捕盜使王球領兵
討平之

光天元年春三月西域胡僧滿多三藏來游峩峩山却歸西國 夏六月帝崩 太子衍卽皇帝位改元乾德

秋八月先皇

陵句有脫誤

二年春正月有事於南郊大赦國內 二月雲南遣使

朝貢 夏六月雙虹頭入福感寺後堂內光輝照溢廊

宇良久而沒

三年春三月築子城西北夾寨堤引水入大內御溝水

出東流仁政樓

五年春二月丙午日有食之

錦里耆舊傳卷六

七讀畫齋叢書乙

六年春雲南進江豬 夏四月於大內造街坊立市肆

令宮嬪著青布衫裙開酒肆食店雜男女之飾貨柴麩

一如民間叫噪爭打男女混雜交易而退帝與諸妃后

以爲笑樂

咸康元年夏六月續添閏十二月歷日一紙印造施行

春初頒歷只以十二月暨至夏方知唐朝歷日閏添之

也是歲遣翰林學士歐陽彬通聘洛京回莊宗皇帝遣

客省使李巖來修好巖朝見笏記曰 伏自朱溫肆逆

運屬昭宗三年痛別於西秦一旦逼遷於東洛誅殘南

地焚燹宮闈雖列藩悉是於唐臣無一處不從其僞命
繇是大唐中興皇帝念高祖太宗之業倏爾墮張憤朱
溫崔胤之徒同謀篡弑遂乃神機迴發心鼎獨燃竭滄
溟而誓戮鯨鯢芟林莽而決除虎兇十年對壘萬陣交
鋒 久困於生靈 再逃其死士纔過汾水縛王鐵槍
於馬前旋及夷門斬朱友貞於樓下劒霜未匣槍雪猶
輝段凝統八萬雄師倒戈伏死趙嚴知一人應運引頸
待誅遂使賊將寒心謀夫拱手取乾坤只勞於八日救
塗炭遂定於四方備振皇威咸遵帝力今則秦庭貢表

錦里耆舊傳卷六

八讀書齋叢書乙

兩浙稱臣淮南陳負拜之儀回紇備朝天之禮纔安宇
宙便息干戈未盡梟夷方議除翦豈謂大蜀皇帝柔懷
遠邇居安慮危喜我帝祚中興羣妖悉滅特遣蘇張之
士來追唐蜀之歡吾皇迴感於蜀皇復禮遠酬於厚禮
臣則叨承元造獲奉皇華載馳得面於天顏戰汗不任
於跼地臣無任感恩荷聖踴躍屏營之至 冬十月庚
申朔甲子帝幸天雄軍秦州卽天雄軍文武臣僚諫諍不允駕
至利州唐國發大軍已過金牛帝大驚扈從百官旋各
分散輦轂倉皇奔馳歸闕 十一月庚寅朔丙申帝歸

入內京城沸撓至壬寅唐國使李巖走馬入城宣唐敕命安撫三軍萬姓又云六軍使齊王宗弼先已有狀歸降興聖太子今見引領大軍相次卽到帝與太后一時號泣左右悉悲哀帝遂召歐陽彬修降表曰臣聞滄海澄波納百谷朝宗之水皇風扇物來萬邦向化之人蓋由負罪不誅銜冤獲免鄭伯沐焚棺之惠許男荷解縛之仁得不頂戴穹旻仰祈渥澤恭惟皇帝陛下承乾啟運握鏡開圖發機而上應天心恤物而下民從欲繼

十八祚崇隆之德高步泰階應一千年挺特之風廣施

錦里耆舊傳卷六

九讀畫齋叢書乙

王道混車書於天下走聲教於域中而臣僻在遐方遠居蜀部承先父經營之業爲巴人主者之司但荒龔瞽之迷罔顧危亡之患玉帛旣乖於正朔苞茅是闕於薦羞殊不知唐德惟新元功再造致王師之遠辱勞雄武以遐臨太陽照而冰雪自消睿澤敷而黔黎盡泰而臣自知罪疊不敢遁逃命戎士以倒戈挈壺漿而塞路遂卽舁棺麾下束手馬前向丹闕以馳魂掩黃沙而聽命豈謂魏王布惠眞宰垂仁入臣境無犯纖毫問臣罪不加一二傳陛下好生之旨闡堯天惡之文釋殘生於

蛾撲之燈全必死於魚戲之鼎使肌膚重生於聖日燦
枯再沐於天波然則盡節輸誠安足以贖臣之罪塗肝
碎膽不足以報君之恩幸得捧日傾心歸明向化積懼
而鋒鋌聚背推忠而丹赤貫心今則已遠寇城將趨鳳
闕雖亡家國喜歸有道之朝縱別鄉園幸在太平之化
臣以正月二日與母親并姨舅兄弟骨肉等發離當道
奔赴京師攀望聖慈無任瞻天仰德惶懼戰越死罪之
至發表後魏王車駕至漢州 乙巳王宗弼領兵先入
城是夜王宗弼遷帝於西宮至丙午自稱兵馬畱後散

錦里耆舊傳卷六

十讀畫齋鼓書乙

差人收內庫金銀寶玩并諸王節相宅內財物 戊申
敕榜曰朕以蜀部封疆本是我唐境土爰從兵革遠阻
江山當僞梁篡弑之時致宗廟凌夷之難遂茲割據蓋
逐便安雖行建號之謀乃是從權之道况復蜀主先父
素是本朝舊臣常懷忠孝之心每俟興隆之運唯期恢
復却敦傾輸朕以初殄寇讎重興社稷撫諭之恩既廣
優勤之意常深須務綏和貴諧混一遂令元子兼命宰
臣遠安僉后之心既叶來王之願遐想王師行李已及
彼地城池遠降詔書明行示諭料其素志必契夙心當

符魚水之歡永保山河之誓應僞蜀文武官僚等或本朝舊族或本朝舊賢或抱節於軍戎或著名於鄉曲久從睽隔常賑情懷宜知乃睠之恩各勵歸誠之款今以降敕命誠約諸道兵帥如西州果決歸明到城內不得驚擾但思効順勿致懷疑 己酉齊王宗弼斬東院開

府宋光嗣西院開府景閏澄北院開府歐陽晃成都尹韓昭等出榜示奉魏王教令宋光嗣等久居內庭恣行權柄幻惑少主滅削三軍仰處斬訖奏 甲寅蜀主與

宰臣王楷文武百官素服銜璧牽羊輿櫬出城降魏王

錦里耆舊傳卷六

十一讀畫齋叢書乙

太子於是焚櫬釋罪望北拜恩却歸入城魏王遣李嚴於三市慰諭軍人百姓 丁巳魏王興勝太子入城

閏十二月己丑朔斬僞齊王宗弼并男駙馬都尉承班等榜曰 竊以前件人等擅廢本主專殺內臣潛取資財將爲已物爰自收降城邑又無犒賞三軍俱是元兇須加顯戮初王宗弼多收內庫并諸節將宅寶貨於城外獻魏王及招討郭令公魏王曰蜀之山河皆我家之有方欲普施惠化何用寶貨而爲遂不受至是誅之又斬秦州節度使王宗休以其修行宮迎蜀主又引軍收

蜀竊以王宗休食人之祿於國不忠貴擁節旄位居屏翰飾宮室以誤主引師旅而收城悖逆之深莫甚於此豈可君遷臣在國改家存顯示梟夷人神歡快

同光四年春正月戊午朔前戎州刺史蕭懷武眉州刺史鮮于梟作亂擒獲與從皆伏誅 庚申蜀主及太后嬪妃宰臣王楷唐傳素張格許寂等進發入洛歸朝 甲子走馬使到宣敕斬招討使郭崇韜父子四人爲到蜀取豪富家金錢馱載歸京闕戊申奏遂降敕誅之

甲戌北都畱守孟知祥除授同中書門下平章事充劔

錦里耆舊傳卷六

十一 讀書齋叢書乙

南西川節度使到府 戊寅魏王以孟公至大慈寺拜僖宗御容又至延祥院見僞蜀少主眞容竝令掃抹塑北方天王一身至今存焉 庚寅魏王發離成都歸京

至綿州康延孝以殿後軍作亂回趨成都屯廣漢川主頗有憂色護軍焦彥賓指畫討伐與東川節度使董璋會軍擒康延孝送至利州魏王斬之於是兩川平定

夏四月丁亥朔己丑蜀主與母徐氏太后諸王公 嬪

妃至雍州時莊宗出征王皇后矯詔就秦川驛害之至

明宗朝追封順正公葬於京兆府三趙村是月明宗卽

位改元

天成元年甲午魏王平蜀回至渭南諸軍潰散爲帳下親事所縊

錦里耆舊傳卷第六

錦里耆舊傳卷六

士讀畫齋藏書乙

錦里耆舊傳卷六

錦里耆舊傳

入武平甲子魏王平蜀回至渭南諸軍潰散爲帳下

親事

錦里耆舊傳卷第七

起天成二年盡明德二十五年

前榮州應靈縣令勾

延慶 纂

二年春二月壬午朔己亥川主斬兩川監軍使李嚴時
明宗篡位川主以前朝懿戚心不自安至是內客省李
嚴承樞密使安重誨密旨貯圖謀之意添隣部網羅於
兩川乃斬之聞奏自是方思割據厲兵秣馬與東川董
相公璋論秦晉之親結脣齒之約

三年冬築羊馬城

四年春饑荒米斛四百文

錦里耆舊傳卷七

一讀畫齋叢書乙

長興元年秋兩川起兵討遂府利闡并黔南蔓萬等州
勅示曰 蓋聞皇王御下恩信乖而叛離臣子事君猜
忌生而權變固不可刮席而忍恥膠柱 移音開戶牖
以啟式長根芽而稔患以至舉戈問罪誓衆言征芻庇
齊民式求多福某國朝懿戚受命莊宗自節制於西川
遇鼎移於東洛且以時變則變喪君有君因盡節而傾
誠遂梯航而入貢五年之內發運無虛積數五十萬緡
纍給中朝之費此則勵勤盡於天子欲表率於諸侯宇
內皆知人誰不見至於屢加官秩亦荷寵光不幸間謀

潛興窺覲顯露於闔中而立節就列鎮而益兵搖動我
軍民控扼我唯背頻將異議累具上聞冀羸軫之懷柔
希稍安於方面而朝廷不以爲德轉深其疑竟乖魚水
之歡自絕雲龍之契某與東川相公已聯姻好况密封
圻朝聞雞犬之聲暮接笳鼙之響地里雖分於兩鎮人
心何異於一家勢比同舟事資共濟今與東川點檢馬
步軍十五萬人騎分路往武信利闔路黔巖等州問逐
制置之由屯集之衆其行師法令別載條章務 晏寧
必無侵虐况王氏開國久霸成都東則鐵鎖於瞿唐北

錦里耆舊傳卷七

二 讀畫齋校書乙

則泥封於大散自是子孫失守將相離心全在蜀之丞
人固未忘於霸王某因衆多之感舊奮武旅以開疆佇
遣四民各安其業然後花林步月錦水行春繁華何讓
於往年爵祿重新於此日凡百士庶宜體端倪
秋九月辛酉朔丙辰收下闔州牘曰 昨者兩川以朝
廷自生疑貳不體忠良信纔賊之閒言致諸侯之離德
始則闔州節度使李仁矩兩來奉使頻此覘窺謂於果
闔之間便是控臨之地妄興謀畫濫置節旄及姦計之
遂心猶陰邪而未已數聞奏報背請兵師欲結禍階自

爲戎首所以東川相公慮其稔惡須議摧兇連興貔武
之師共破豺豸之窟自今月二十九日酉時得東川相
公來書云二十五日夜三更三點親領兩川大軍四面
圍裹攻打閬州城池至其日平明打破斫到李仁矩首
級并活捉到都指揮使姚洪馬軍指揮使王景步軍指
揮使賈暉等訖餘城下見機來投指揮使都頭已下便
與賞給安存兼本城軍人百姓竝不傷動外餘拒敵黨
類殺戮無餘此則天贊兵威人叶勇力遂至元兇斬首
同惡就擒我師四合以環圍逆壘一攻而瓦解捷書雷
迅喜氣山橫想與士民同多慶快見便乘勝前進攻收
利州只期反掌之間更俟克敵之捷 冬十月辛卯朔
辛亥左廂馬步都指揮使張業收下葭州并黔南勝示
曰 今月二十一日據峽路行討伐招收使狀報黔南
節度使去今月二十七日將手下元戎兵士拋本州下
水奔竄尋差衙隊指揮使朱偓部領左右飛棹并諸指
揮兵士乘戰船十五隻往黔南安慰至今月二日午時
回其黔南節度使今見在渠溪團點元隨兵士及旋添
水軍却有五百餘人排比小戰船候寧江應接兵士到

却欲歸復本州其朱偃當日辰時部領戰船往渠溪襲
逐至午時與賊軍相見交戰趁下水約百餘里至酆都
埧頭殺獲賊軍一百餘人斬黔南內外都指揮使郭太
尉吳近思張瓊等三十餘人奪得衣甲器械不少收獲
牌印四副其黔南節度使則攜餘黨乘小舟沿流直下
忠州者竊以大舉舟師遠征峽路旗鼓纔聞其下瀨雲
檣尋指於上游連降郡城繼收營監勢且疾於破竹聲
有類於蕤蓬今則更閱捷書屢聞勝策況寧江軍以黔
南爲肘臂之地以渝合爲饋運之衢我已斷之彼何望
矣節帥弃城而竄遁裨將兼隊而追擒數俘馘以旣多
收鎧甲而亦衆指期蕩定以固封隅凡曰軍民攸同快
慰 十一月左廂馬步都指揮使趙廷隱收下利州
十二月左右廂馬步都指揮使李仁罕打破遂州殺節
度使夏魯奇於是朝廷夷東川董相公一族

二年天子歸罪安重誨後川主却修職貢

三年夏四月辛巳東川董相公擁兵來襲我至漢州昭
武軍節度使趙廷隱討平之牘示曰 蓋聞皇天無親
唯德是輔明神不昧稔惡則亡逆賊東川節度使董璋

包藏禍心良背盟約暴興士馬急寇封圻迎鋒而尋沒
全軍單馬而竄歸本府昭武司徒統領大衆追襲餘妖
則有前陵州刺史王暉覩其將亡因圖轉禍梟斬董璋
父子雙獻其元 保軍城待余旌旆念其智勇足可嘉
稱且謀不自於衆人罪止歸於元惡旣除心腹之患永
固邦國之基某見親往東川慰諭軍民次 六月軍府
將吏等詣衙陳狀請川主令公通押兩川公事

四年春觀察判官元溥上疏請行墨制曰 伏以我蜀

被山帶江足食足兵實天下之強國也我公本仁祖義

錦里耆舊傳卷七

五讀畫齋叢書乙

允武允文乃天下之賢主也以我公之賢拓土開封取
威定霸固得其宜矣而況內則有紅蓮上客參幃幄之
謀外則仗細柳將軍專斧鉞之任率土之內足可保磐
石之固太山之安顧惟冗賤何補高明但念智者百慮
必有一失愚者百慮必有一得狂夫之言聖人擇之樵
童之歌哲王聽之敢罄蕩詞誠慙管見仰干朗鑒伏切
怔忡竊以惟賞與刑國之利器懲惡勸善君之要權不
可偏行猶須具舉歷觀往典備考前規或王命而不通
或公室以多難列國率聞於專制諸侯或可以從權苟

有利於生靈又何辭於通變昔來歙鄧禹擅命於征伐
之閒蜀主岐王承制於隔絕之間際俱非已實欲安仁
一昨隣近諸藩閒謀上國有虎視狼貪之意阻君臣魚
水之歡添益兵師動搖生聚況我公恒修職貢不虧楚
子之茅遽構讒邪竟擲曾參之杼以至兩川歃血合從
連衡列校齊心奉辭伐罪今則旋平狄穴漸拓鴻基立
功者悉望昇榮向化者皆思敘進方屬途路有阻恩信
未通二星不見於雲霄三蜀久憊於雨雪將期勸善切
在報功疇庸合議於策勳列爵宜遵於故事自今以後

錦里耆舊傳卷七

六讀畫齋鼓書乙

若且行墨制以布鴻恩式副羣情無虧大體先宜曉諭
後可施行所冀設爵待功免授踰時之賞允宐稱霸之
秋七月唐國進封蜀王冊曰朕祗膺天睠虔荷帝
圖數大信而仰法昊穹秉至公而俯臨億兆彰善殫惡
必分涇渭之流崇德報功敢忘山河之誓其有榮聯戚
里任重侯藩佐白水而中興爲皇家而盡節雖効緣註
誤而竟保忠貞疏鑿未通潮海之波瀾暫阻風霾既定
拱辰之光耀如初表章皆驗於推誠琛贐遠修於述職
得不顯其丹赤懋以旌酬益敦魚水之歡永契君臣之

道爰求吉日乃降徽章具宮孟某五緯佐天三山鎮地
七年乃辨眞爲梁棟之材十德俱全信是琮璜之器先
皇帝經綸八極濟活兆人李通首述其緯書鄧禹常參
於霸業同心同德竟扶歸馬之朝不伐不矜罔恃濯龍
之寵洎朕纂承鳳紀繫爾鎮守寇城鐵石彌堅菁茅不
匱山川險絕每虔向日之心玉帛駿奔來助郊天之禮
有臣若此當代何加董璋久作厲階終萌逆節旣辜恩
於覆載欲嫁禍於勳賢疊以封章疏其隣道虔劉我生
聚離閒我忠良爾外示叶同潛懷憤激罄衷言而誘諭

錦里耆舊傳卷七

七讀畫齋叢書乙

彼旣不回俟良便以誅鋤乃期自雪以至敢驅叛黨徑
逼仁封吹虺毒以傷人奮豺牙而暴物爾則妙施成算
徑出全師鼙鼓纔鳴旋聞落爪窠巢自潰已致噬臍梓
州之祆霧風驅涪水之狂波鏡淨解吾宵旰賴爾韜鈴
固當銘在景鐘豈止光於信史況復備輸懇款益驗傾
虔敘魯館之寅緣述沛中之舊事深心可見亮節期彰
不有疾風焉知勁艸儻無異數曷報崇庸由是茲築將
壇顯昇王爵兼兩藩之奧壤啟一字之眞封仍循益地
之通規別改旌功之懿號賜之旌鉞冊以輅車雖加等

之寵光爾皆不忝在睦親之義分子亦無慙於戲天鑒
甚明爲善者降之福祉君恩不黨立勳者厚以獎酬唯
敬慎以始終可延長於富貴勉承兌澤來鎮坤維可授
依前檢校太尉兼中書令行成都尹劍南東川兩節度
使管內營田觀察處置統押近界諸蠻兼西山八國雲
南安撫制置等使仍封蜀王加食邑一千五百戶實封
二百戶改賜忠貞匡國保大功臣散官勳如故仍令所
司擇日備禮冊命主者施行 秋八月下教曰 取威
定霸乃諸侯權變之方捨爵策勳乃皇王敘酬之典其

錦里耆舊傳卷七

八讀畫齋叢書乙

或兵屯萬旅地廣三川周環列國之山河奄有全蜀之
封部儻不從權而徇衆則稽錄効以報功今稟命於中
朝得專制而行賞但念承世家之餘慶受施鉞之殊榮
窮奢極侈固斷意而不爲講武教民在安邊而有作往
歲方勤述職務保永圖不幸諸藩構成深隙此際主兵
將帥爭陳排難之功運策寶僚咸展出奇之畧因興武
旅分蕩渠魁累破竹以焚枯連開疆而拓土其次諸司
奉職庶吏推誠咸著勳勞豈忘獎荅一昨聖上以顯分
忠佞遂降冊封礪岳帶河銘大君之異寵輅車珠冕表

列國之殊榮仍示優崇俾行墨制上自藩方之任下及州縣之官凡陟幽明許先而後奏自可保不僭不濫之典賞立功立事之人必無患於不均庶有觀於允當布告遐邇咸使聞知

長興五年夏四月文武勳進即皇帝位大赦國內改唐長興五年爲明德元年以副使趙季良爲相掌書記母昭裔爲御使中丞掌書記李昊觀察判官徐光溥爲翰林學士左右馬步軍都指揮使李仁罕趙廷隱張業侯洪實分掌軍權夏四月庚午朔地震興元節度使張

錦里耆舊傳卷七

九讀畫齋叢書乙

虔劉武定節度使孫漢韶率部來歸由是盡得山南土宇兵甲秋七月己亥朔甲子帝寢疾而崩葬和陵廟號高祖遺制冊元子昶於柩前即皇帝位年十四翌日殺李仁罕并其左右佞者宋讓等數人初仁罕入蜀後充馬步軍都指揮使恣爲奢豪前蜀主元妃有國色欲娶之又懼高祖至是乃有跋扈之意樞密使王處回左廂馬步都指揮使趙廷隱慮其難作遂請殺之

三年春三月地震

四年晉高祖發兵侵昭武至劍門保寧軍節度使趙廷

隱領兵拒退之是歲改廣政元年 秋八月大水
二年三年邊陲無擾百姓豐肥以輔相得人也

四年夏四月蝗

五年春閏三月甲申西域胡僧來朝

六年至九年大有

十年秋七月殺宰臣張業以其判度支虐徵商稅於是
籍沒其家樞密使侍中王處回免官致仕上以翰林學
士李昊徐元溥爲相伊審徵爲通奏使知樞密院事上
始親臨庶政是月秦州節度使何重建鳳州刺史石奉

錦里耆舊傳卷七

十
讀書齋叢書乙

頽率所部來歸

十一年十二年時平俗阜

十三年春始置貢舉

十五年夏六月大水入京城漂蕩五門以其城內溺死
者衆於是大赦境內 秋九月東川兵馬都監王承不

反殺知府刑部侍郎郭延鈞并家族於是都指揮使孫
欽率手下兵士斬王承丕首級奏送宣差客省使趙季
札往梓州安慰夷王承丕家族

十八年冬上國舉兵攻秦州蜀失之

十九年戎瀘州獠賊羅駐雍反左街都巡檢使趙季文討降之

二十一年昌州獠反殺巡檢使趙漢瓊等於是左界巡檢使申彥塘討平之

二十四年冊皇太子

二十五年行用鐵錢

錦里耆舊傳卷第七

錦里耆舊傳卷七

十一 讀畫齋鼓書乙

錦里耆舊傳卷第八 起偽蜀廣政二十八年冬至乾德四年春

前榮州應靈縣令勾 延慶 纂

國朝收蜀十二月癸亥偽蜀太子秦王元喆統領兵士

至劍門時昭武諸路兵馬竝已奔退遂回入城 正月

癸酉 路前軍都部署王太傅 全斌 統領大軍至漢州

界 蜀主差偽通奏使伊審徵走馬送降款 十七日

前軍都署尋請先鋒都監康延澤入城安撫 十九日

大軍至昇遷蜀主具禮降 二月四日南路戰棹都部

署劉太傅 光 收峽路至府是歲大宋乾德三年也

錦里耆舊傳卷八

一 讀畫齋藏書乙

十七日蜀主與偽太后妃嬪發離成都水路下峽朝天

先差弟偽雅王仁贄北路走馬奉表曰 臣聞三皇御

宇萬邦歸有道之君五帝垂衣六合順無為之化其或

未知歷數猶昧存亡致興天討之師實懼霆臨之罪敢

祈英睿俯聽哀鳴臣誠驚誠懼頓首頓首伏念生自并

門長於蜀地幸以先君之基構得從幼歲以纂承只知

四序以推遷不識三靈之改卜伏自皇帝陛下大明出

震盛德居乾聲教被於遐荒慶澤流於中夏當凝旒玉

殿之始闕以小事大之儀洎告類園丘已來稽執玉持

帛之敬蓋屬地途遐僻阻隔徽猷已慙先見之明因有
後時之責今則皇威赫怒聖畧風行干戈所指而無前
鼙鼓纔施而自駭山河郡縣半入於華封將卒倉儲幸
歸於文籍但念臣中外二百餘口慈母七十餘年日承
訓撫之恩麤効孝愛之道實願克終甘旨冀保衰年其
次則子孫之團圓守血食之祭祀伏乞皇帝陛下容
之若地蓋之如天特軫仁慈以寬危辱臣輒敢徵其故
實上瀆宸聰竊念劉禪有安樂之封叔寶有長城之號
背恩歸款得獲生全願眇昧之餘魂得保全而為幸庶

錦里耆舊傳卷八

二一讀書齋叢書乙

使先君寢廟不為樵採之場老母庭除且有問安之便
見今保全府庫巡邊軍城不使毀傷終期臨照車書混
其文軌正朔奉於靈臺敢布腹心恭聽赦宥臣謹率文
武見仕職員望闕拜首上表歸命披瀝肺肝以聞 又
上宰臣樞密使狀 竊念頃自北京卽隨先父洎臨西
蜀嗣守餘基自量小國之封疆常阻大朝之正朔伏自
皇帝位登宸極禮盛郊禋令預梯航願同臨照而以阻
遙險稍易歲時今則遠勞王師恭行天討有征無戰
詎可抗威棄甲倒戈尋皆效順具陳降款上達冕旒所

希者存濟活於蒼生報劬勞於老母忠惟奉主孝則養親固於生平無所覬望許男銜璧已蒙解釋之儀虞舜垂衣佇保安全之望丹誠備寫雪涕難勝伏惟某官叶贊萬機懷柔八表迴敷恩信竝及幽遐願垂前席之言特加敷奏冀遂保家之懇終養晨昏烏反哺以知恩竊將比喻雀銜環而報德以荷生成倚賴感銘陳詞罔盡遐瞻德宇但瀝虔誠今專遣親弟仁贄詣闕上表待罪敕蜀主省上表率文武見任官等望闕瀝懇歸命事具悉朕自是天睽命率土樂推將期德服萬方不恃威加

錦里耆舊傳卷八

三讀畫齋叢書乙

四海乃睽益部僻處一隅苟黎庶之獲安非經營之在意一昨災纏蜀地疊自并門旣興王者之師遂授將軍之鉞事非獲已須用至兵我具真詞彼衆自敗下劍門而賈勇指井絡以長驅中宵火燃兆庶何罪徑馳駟騎嚴戒前鋒廣宣來者之懷徧諭弔民之意果能率官屬而效順拜表疏以祈恩託我慈親述乃寢廟封府庫而待罪保生聚以輸誠朕方示信懷來不逼人險保無他慮當體優隆國有舊章不違來請所宜悉也春寒想比清休書旨不多及 四月一日殺西川兵士三萬人初

前軍都部署琅琊公受降入城後應是西川歸降兵士
竝皆安撫相以點齷要起發赴京衆軍動搖將謀作亂
乃引就夾城內點揀俾其不意遂盡殺之 參政呂侍

郎

餘慶

知成都府軍府事僞蜀指揮使全師雄反自稱

王據漢州金堂縣三學山聚徒數萬人攻成都并諸縣
與官軍格鬪又陵州賊袁廷裕反資州黃承浦普州劉
澤時人號之劉硬弓昌州趙令等反各據本州與全師
雄應接所在州郡道路不通又嘉州馬承逸反屯犍爲
山進攻州城前軍戰棹副部署武

懷節

擊破之盡戮徒

錦里耆舊傳卷八

四讀畫齋敬書乙

黨 夏五月十六日蜀主到京朝見皇帝卯時御大明
殿蜀主見左右金吾六軍儀仗殿中省法物竝於殿前
卓立三軍於明德門外著隊排立蜀主并弟仁贄男元
喆等宰臣李昊已下三十二人五更三點自玉津園乘
馬到明德門西廊於幕次下馬至寅時著白衫小帽子
勒帛詣明德門立班閣門使李廷憲至蜀主遣官屬一
員持表侍罪將入大內奉傳宣旨釋放敕示諭竝俯伏
於地令通事舍人持起有敕取法上天廣覆下土旣叶
混同之慶永乘臨照之光方喜來朝何勞俟罪體茲睽

待無至兢憂蜀主以下謝恩訖奉宣賜衣服幘頭鞞笏等謝恩却歸幕次換衣服冠帶各乘馬入厚載門右銀臺門下馬閣門使李廷憲引蜀主入明德殿外幕次祗候見蜀主進

金器八百兩

玉腰帶二條

銀錠一萬兩

集賢相公參知政事侍郎及文武官已下江南兩浙進奉使竝立班陪位稱賀宣徽使承旨奉禮畢索扇下簾皇帝歸內皇帝自大內乘逍遙子上明德樓宣詔蜀主

錦里耆舊傳卷八

五讀畫齋校書乙

已下上樓立班奉宣慰諭諸軍於樓前逐隊安歸營後却乘逍遙子赴大明殿宴奉宣宰臣蜀主已下竝赴宴動教坊樂蜀主進

金酒器一副重一百六十兩

通龍鳳犀腰帶一條

宰臣節相已下進賀

蜀主朝見宣賜蜀主

衣一副六件

玉腰帶一條

金鞍轡馬一匹

散馬五匹

絹五千匹

錦綺綾羅紗縠衣著一千匹

錢三千貫文

金鍍銀稜瓷器四百事

銀稜漆器一千六百事 素漆器五百事

錦繡被氈褥二副 宅一院四百八十間

鋪陳售用什物全

又賜國母李氏

衣一對

金器三百兩

絹一千匹

售用銀器一千兩

錦里耆舊傳卷八

六讀書齋鼓書乙

錦被氈褥鋪陳全

蜀主弟仁贇仁裕仁操男元喆元珪各賜

衣一襲

幞頭鞞笏等

玉腰帶

銀器各七百五十兩

衣著各五百匹

絹各一百匹

散馬各一匹

金鍍銀鞍轡馬各一匹

錦被氈褥鋪陳全

雅王孟仁贇別宣賜

交倚水罐子銀大燎爐并銀器二百五十兩

尋有除目

李昊工部尚書 歐陽炯左散騎常侍

張元倣工部郎中 母守素工部侍郎

胡韞司天少監 郭微膳部郎中

韓保昇殿中監 高諷太府卿

尹文舉駕部郎中 范禹偁鴻臚卿

劉嵩少府少監 韓嶼庫部郎中

鮮于操祠部員外郎 趙元拱虞部員外郎

上世隆比部員外郎 孟仁贄右神武軍統軍

錦里耆舊傳卷八

七 讀書齋叢書乙

孟仁操左監門衛上將軍

孟仁裕右監門衛上將軍

孟元珪左千牛衛上將軍

王昭遠右千牛衛上將軍

李進右千牛衛大將軍

景處璿左羽林衛大將軍

袁可鈞左屯衛大將軍

高延昭左驍銳大將軍

蘇廷超清道率府率

李遵皓左監門率府率

授蜀王秦國公制

門下伯禹導川黑水本梁州之域河圖括象岷山眞井
絡之墟考職方之地圖比劍南之徼道屬中原多事遠
服未賓山河旣限於侯封車服遂踰於王制朕削平屬
縣重正皇綱復周漢之舊疆寵綏羣后採唐虞之大訓
協和萬邦六載于茲百揆時敘禮樂征伐之柄出自朕
躬蠻夷戎狄之鄉咸修職貢一昨順先庚而受律法時
雨以興師舜干暫舞於兩階湯網豁開於三面弔民之

錦里耆舊傳卷八

八讀畫齋鼓書乙

罪朕無愧焉咨爾僞蜀王孟昶挺生公族稟慶侯門值
唐朝將季之辰襲蜀土已成之業撫彼郡邑久歷歲華
而能察天地之惡盈知人神之助順盡率羣吏來降大
君望北闕以拜章指南陔而請命得不開懷禮遇撫弱
流恩官班特越於彝章保護彌光於大信豈比夫魏封
劉禪纔升驃騎之班隋待蕭琮惟列莒公之號今茲示
寵以欲從人命作帝師俾榮開府帶漢相專車之貴列
秦川萬戶之封併而授之斯爲異數仍加祿俸用表優
隆爾宜思前代之命官體我朝之加等勉荷非常之澤

無忘匪懈之心佩服恩光往踐厥位可封秦國公

授孟元喆兗州節度使制

門下朕聞魏將降蜀君臣俱列於散官隋帝平陳子弟不聞於封爵皇家順景風而行賞同時雨以濟師當敵境未賓靈下戒嚴之令暨危邦請命雲垂利澤之恩矧復降婁古封掌武崇秩曲阜是伯禽之國太尉乃周勃之官山河距九州之雄紘冕冠三公之貴舉爲賞典斯實異恩僞國長子孟元喆禮法矜莊神采英秀駛脩途於早歲播令聞於蜀川正朔未同於列國而人稱世子

錦里耆舊傳卷八

九讀畫齋校書乙

車書旣混於大朝而自是良臣以爾昔在三川常居二職贊厥父之效順保祖母之高年予嘉乃心豈限彝制是命陟將壇於東夏整武事於南宮憲秩封侯用光殊渥將表臨戎之寄更增光祿之勳爾其分天子之憂勤出將軍之法令與其改弦而易調不若從容以安民布政頒條予誠有望榮家奉國爾宜勉之

夏六月蜀主薨遺表曰

臣聞大教有限萬化無窮歷觀今古以攸同在賢愚而不免將啟手而歸土再瀝懇而聞天臣誠悲誠戀頓首

頓首伏念臣繆承父業竊據坤維數千里之山河四十年之統攝雖有臨深之懼且無事大之規是以遠勞王師恭行天討上思老母下念生民潛收拒轍之心旋露投戈之請伏惟皇帝陛下納汙道廣來遠恩寬遐頒彩鳳之書遽釋牽羊之罪伏自遠辭錦里獲覲瑤墀帝澤天恩曾無虛日皇華駟騎長是盈門仍賜官勳方圖朝謝不謂偶縈疾疹遽覺沈微伏蒙皇帝陛下軫睿念以殊深降國醫而荐至比冀稍聞瘳損何期漸見彌留將別聖朝卽歸幽壤絕拜章於雙闕一息雖存命易簣於

錦里耆舊傳卷八

十讀畫齋鼓書乙

病躬五神已耗伏惟皇帝陛下長新鳳歷永霸鴻圖鎮居四海之尊永作兆民之慶臣之老母臣之孤遺仰荷聖恩復何憂慮臣無任瞻天戀聖涕泗悲哽激切屏營之至

夏六月十九日榮州賊楊德暉等反陵州袁廷裕助五千餘人圍逼州城是月二十六日南路都部署彭城公討平陵州賊袁廷裕二十九日楊德暉潰散所在縣鎮遮截梟略盡秋九月嘉州指揮使呂翰反殺前軍戰棹副部署武懷節據州城自稱相府是月漢州山菁

賊全師雄死徒黨潰散 冬十一月彭城公擊呂翰破
之收下嘉州

四年春三月資州賊黃承浦榮州賊楊德暉等歸投起
遣上京自楊德暉趙令等脇從夷獠依附山林擁眾叛
離不順朝化南路都部署彭城公命偏將討平之今則
污萊之囚盡闢萑苻之盜漸除萬民知歸兩蜀寧靜觀
堯湯之代懽憶兆之心矣

錦里耆舊傳卷第八

錦里耆舊傳卷八

十一 讀畫齋藏書乙

錦里耆舊傳八卷自洪武五年壬子歲秋七月
十五日庚申寫起至廿八日癸酉錄畢於華亭
集賢泗北村居之映雪齋且喫茶處在家道人
誌七十有六

馬端臨文獻通考經籍攷云陳直齋書錄解題
曰前應靈縣令平陽勾延慶昌裔撰開寶三年
祕書丞劉蔚知榮州得此傳其詞蕪穢請延慶
脩之改曰成都理亂記天成之後別加編次起
咸通九載迄乾德四年百餘年蜀事大略具矣

續傳蜀人張緒所撰起乾德乙丑迄祥符己酉
自平蜀之後朝廷命令官僚姓名及政事因革
以至李順王均劉旰作亂之迹皆畧載之知新
繁縣太常博士張約爲之序七月廿九日甲戌
白露節記

是編得之門人秦汝操氏汝操又得之沈辨
之氏惜乎祇後四卷闕前四卷未得爲全書
大抵古書之存於世者多殘缺不全先達邵
文莊公嘗云麟角鳳毛奚以多爲愚於是編
錦里耆舊傳卷八

十一讀畫齋叢書乙

亦云
嘉靖戊午冬十一月月幾望勾吳皇山人姚
咨舜咨甫識時年六十有四

白露節記

續傳太常博士張約爲之序七月廿九日甲戌

以至李順王均劉旰作亂之迹皆畧載之知新

繁縣太常博士張約爲之序七月廿九日甲戌

白露節記

